

PAN-EVROPSKI UNIVERZITET

"AFERONT" BANJALUKA

Broj: 3276/13

Datum: 12.11.2013. godine



(Kvazi)konsultanti

Ne znam da li se dešava vama, ali ja sam doslovno zatrpana mailovima, pismima i ponudama raznoraznih konsultantskih kuća i privatnih konsultanata u kojima nude sve: od savjeta kako unaprijediti poslovanje do toga kako živjeti u skladu sa prirodom (ne piše vlastitom ili prirodom uopće). čini mi se da je ta magična riječ konsultant, uz neprevaziđenu menadžer, postalo najnudenije i nekako najpriželjkivanije zanimanje u BiH.

No, da budem iskrena na uvodnik o konsultantima ponukale su me žalbe nekolicine ljudi koji su mi ukazali na raznorazna istraživanja, studije i elaborate koje su za međunarodne i domaće organizacije, institucije ili kompanije radile različite konsultantske kuće. Od debelo naplaćenih istraživanja u kojima su doslovno prepisani statistički podaci agencija za statistiku u BiH, studija u kojima kada saberete površine šumskog i poljoprivrednog zemljišta u BiH dobijete brojku koja značajno nadmašuje onih 51.195 kilometara kvadratnih koliko (zvanično) iznosi površina BiH (posebna priča je što po istoj studiji ispada da nemamo građevinskog i industrijskog zemljišta, vodenih tokova, rudnika, saobraćajnica itd.) do putovanja za novinare iz EU koje je konsultantska kuća iz Irske (???) pozvala u posjetu BiH s ciljem upoznavanja sa turističkim potencijalima naše zemlje, kada je na pitanje novinara "gdje smo sada?", voditeljica puta (iz Irske, naravno) odgovarala tako što pogleda kroz prozor i ako vidi crkvu kaže "Republika Srpska", a ako vidi džamiju onda je odgovor "Federacija BiH" (???????????)

Naravno, ostavljam mogućnost da se svakome može potkrasti greška, ali dozvolite da u istraživanjima i studijama moraju postojati barem dva-tri nivoa nadzora da se greške i propusti svedu na minimum. Da se od konsultantice iz Irske očekuje da od dobijenih novaca (ovoga puta iz džepa građana EU) prođe rutu na koju planira povesti evropske novinare i sama preživi šok da crkve (jedne i druge) postoje u Federaciji BiH, kao što ima i džamija u Republici Srpskoj (o tome kako se volšebno projekat domaće firme koji "ne može podržati *Evropska komisija* u BiH" nakon godinu dana pojavio, u malkice izmijenjenoj formi, u realizaciji irske konsultantske kuće, drugi put).

Pravednosti radi, moram reći da nisu svi konsultanti isti, da ima onih koji zaista svojim znanjem i stručnošću itekako mogu pomoći, ukazati na probleme i što je najvažnije, ponuditi rješenja. Ali, kao i u većini drugih stvari, njih su potisnuli u drugi plan kvazikonsultanti i eksperti za sve i svašta...

Koji svoje konsultacije i ekspertize deebelo naplaćuju. A...ne isplate se, vidjet ćete.... **B**

Aida Delić,
glavna i odgovorna urednica